



→ AGLAIT ←

ILLUNAINORTUT.

Nr. 15

Nain, Merz 1904.

Nr. 15

A j o k e r t u i j e r s o a v u t .

Kaujivose, okpertôkativut „Kattangutigênik Moravi-amiunik” taijaujut illagêngnekarmatta Germaniamelo Englandemelo Amerikamelo tachardlerme. Illagêt tamakkoa illûnatik okpertôkatigêmmarigalloarput. Nunakarlu-tigle atausionggitome ingmikkôrput, ingmikkullo ajokertuijersoakarput illagênik aulatsijuksanik. Kattangutigêt Germanit ajokertuijersoangit nunakarput Bertelsdorfeme, Kat. Englisit ajokertuijersoangit Londoneme, Kat. Amerikamiut ajokertuijersoangit Betleheme Salememo.

Kaujivosetauk kattangutigêt Moraviamiut itsarnit Missione-karmatta nunane sunatuinarne, nellojut okâlavigijomavlugit okautsinik piulijaunartunik, nellojôlauptullo kingorlingillo pairijumavlugit. Missione tamna sulliviologilak kattangutigêt illainanginut illûnainulle. Illûnatik: Germanillo Englisillo Amerikamiullo ikajortigékput, Missione-karvingat pivalliatitaurkovlugo; ajokertuijuksallo tillijauvut Missionemut kattangutigêt Germaniamêtullo Englandemêtullo Amerikamêtullo akkornganit. Missione taimak sulliviongmat kattangutigênut illûnainut, tagva kamagijaulungilak kattangutigêt illai-

nangita ajokertuijersoanginut. Imaiporle: ajokertuijersoa-
karivok ingmigolingajunik, Missionemik aulatsijuksanik.
Ajokertuijersuit tapkoa, Missionemik aulatsijuksat aneri-
jausôngovut illagênut Germaniamêtunut Englandemêtun-
nullo Amerikamêtunullo. Tellimauvut ajokertuijersuit
tapkoa nunakarivullo Bertelsdoifeme. Ajokertuijersoa-
ngojut mâna attingit imaiput: Buchner (German) La-
Trobe (Englise) Bau (German) Hamilton (Amerikamiok)
Hennig (German). Tamadja ajokertuijersoavut.

Pijaksakarput mikkijôlungitomic ajokertuijersoavut
tâpkoa, pijariarkortudlartunigle, kammagijaujariakartullo
tâpkonunga unnudlarput. Kaujileritse, ajokertuijut Kat.
Missionekarvingine 200 ongmatta mâna; ajokertuijullo
taipkoa pairiangit 98,599 ongmatta: Inuillo Allallo Ker-
nertallo Kernangajullo Kafferillo Hottentottillo Papuallo.
Tâpkoa illûnatik issumagijaujariakarput kammagijaujari-
akarlutiglo ajokertuijersoaptingnut. Kaggimiolerangatta
(kaggimiovullo kaut tamâkasak) pijariarkortoluartut pit-
jutaukkattarput.

Erkaumakattalaulavuttôk tuksiarniptingne, aulataurkov-
lugit ikajortaurkovlugillo Nâlekamut pinasuarningine
tamaine, pitsartutitaurkovlugillo tâpsomunga. A. M.

U m i a k s u i t a u n i o l e r t u t .

Okauseomajut umiaksuit auniolertut pivlugit unukto-
vut, taimaitunik attorkojijut kênaujarsijomamut piungi-
dlarmatta, nangianadlartomut pititsingmatta inungnik
kippalunik, umiaksuit taimaitut imarbiksoarme malling-
nut anoremullo serkomitauvlutik assiokattarmata. Taimak

illinganekarkojjut pijomatuningat nellonalungimat kâta kamajokadlarpok, nautsertortokarpok umiaksoarnik, tâpkoalo nachonautekatuarunik erkartortauvut nautsertortomut, ipperartaummariktuksauvlutiglônêt âkigiartaujuk-sauvlutiglônêt. Taimaktauk achâne Harmonivut ikarikârlune Hoffentalib kannitangane Londoneme âkiktaukojauvok kolluksugutinga nutângortitaujariakammariklune.

Inugle umiaksuit piungitut auneolertullo adsigivait ingergarnermine paunga kilangmut sungertutekarpat nangminerminik. Piniarnivut okausivullônêt angersimanivullônêt sungertutiksaungimatta inotsemut naksaungitomut, apkutetoakarmat tamarnangitomic sokosijuitomiglo inogutelingmiglo. (Johanesib aglangit kap. 14, 6. Sorlo umiaksuit auneolertut mingoarsimakattarmatta mingoarutinut ânanaudlartunut, tapkoa ijerserkovlugit piungininginik, taimaktauk inuk okâladlartok idluarnerminik nellagôrnerminiglo piniarnerminiglo ajungitunik kajusimanerminiglo idluartunik, illingadlarpok. Ijivut uitartitausimangmatta takpangat kissiane piunginivut ipaksitsiarpavut. Umiat ipkoa auneolertut piunginersaulungilat. Nakormêgle atsuilijokarmat sungertutiksaujomic piulijaunartomiglo, tamna inuk, tamna Gude sungertutiksâtôvok inotseme tokomelo naksaungitomelo.

C. S.

Richard Weaver ibunipkausingit.

Sonnabendit illangâne unusame iksivalaukpogut iglokulluptingne, issumaksarsiorluta, nakit nerkiksarsiniarmangâpta uvlâksiutiksaptinrik. Aipama atâtangata

iglutsianga aipaksarsivigilauktara issumagivara, kolleru-
tsivik sunatakangitok issumagilâlo, taimailungalo
keadlalerpunga. Nikkovilune, erkisimiarlungalo kuñilar-
malo aipara okarpok: „Nalegak angerpok, nerkiksapting-
nik tunitsivioniarapta, - imiksavullo amigarniangimat,
serkortorlunuk tuksialaurluk.” Serkortorpoguk, tuksia-
rungnalungilangale keagalloarmut.

Aipara tuksiarpok, okatuinarkôrpok sôrlo illanârijaminut
iglomêtomut. Taimaitomiglo illanâkarpok illa. Okangilâk?
, magguk pingasullônêt kattimajarangata attimne, akkor-
ngannêtsomavunga.” Nikovilerpoguk serkuptingnit ini-
langajomavlunuk. Nutte avilortokarpok upkoamut. Up-
kuerpara kattimaviublo kivgangita illangat (arnak)
iterpok, sailitaminêtokarlune angijokassangmik. Okarpok:
, „Mrs. Weaver, ajoksarkisê sunamik?” Aipara okarungna-
rane ingituinarpok kugvinut unuktunut tikkitauniarlune.
Innangerdlugo kiovunga: „Ahaila, kêtamiglônêt nerkiksa-
kalungilagut igluptingne kênaujakaratalônêt.

Sailitaminêtut sakertillugit okarivok, „tagga kaitsivunga
niakòjamik, pattamiglo mamaksautemiglo têmiglo.
Erniptalo Geogib tujortarivâse shillingemik, kaupallo
ketteralersiutoriartornialerpose uvaptingnut. Tuksiarti-
luta angajokâvut ikpigititauvok ikajortaugiakarnipsingnik.
Arnak añivok, aiparalo okarpok, „tagga tautukpotit Gûb
tuksiarnivut kioniarmagit, tanna okpervigituinarlavut.”

Kujalidlarkârluta iñilangajumagivoguk. Nutte avilorto-
karivok upkuamut. Aperivunga kinaungmangât, „upkoê-
ruk” kiojauvunga. Upkoêrpara. Aggatuinait ittertitauvut
okartokarporlo: „ukua tigukit Nalekamit, tapsoma patta-
ngaitiniarpâse.” Shillingit 5it aggamnut illijauvut, mâña-
mullo kaitsijok kaujimangitara Nalekamit pininga kauji-
tsiaralloarlugo.